

A Asociación de Escritores en Lingua Galega pídelle a Ferrín que non abandone

27.02.2013

SANTIAGO. EP

A Asociación de Escritores en Lingua Galega (AELG) pediu este mércores ao expresidente da Real Academia Galega (RAG), Xosé Luis Méndez Ferrín, que "non abandone" a institución, así como "diálogo" a todos os seus integrantes para resolver as súas discrepancias.

Nun comunicado, a AELG fixo un chamamento a Méndez Ferrín para que "siga nas súas funcións" como presidente, dado que "a súa dimisión ou marcha" da Academia "significaría un empobrecemento na pluralidade que é necesario que teña a RAG".

Así, fixeron extensiva a súa petición a todos os académicos, aos que reclamaron que "os problemas da Academia sexan resoltos dentro dos organismos" da RAG, "dialogando", para "manter a súa independencia na defensa da cultura e o idioma galego".

"A sociedade galega necesita dunha Academia que sexa lugar de confluencia e símbolo público de prestixio social e cultural. A situación do noso idioma non permite ter unha Academia en conflito interno e proxectando unha imaxe pública de descrédito", explica a asociación.